

中南軍政委員會
民族事務委員會
材料字第 55 號

資興縣志

書田珍藏

書田珍藏

資興縣志

興甯縣志卷之五

署興甯縣知縣郭樹馨原修
興甯縣知縣劉錫九纂修

風土志

古者民風採之太史土宜掌之職方誠以天時
有涼燠地氣有燥溼人性有剛柔風固不能不
隨方面固於土性也興甯風稱簡樸土謹農勤
男慤女慤駸駸乎有唐魏風焉但地處萬山中
土多高燥非盡可種畝少膏腴非盡可耕有山
而無名產有水而無巨魚衣布食稻外別無珍

奇然國奢示儉國儉示禮所望士君子型方訓

俗風氣蒸蒸日上豈不懿與志風土

氣候

氣候雖係天時實緣山嵐澤氣蒸騰鬱洩而成五方所由各殊然陰陽異調寒燠異

節在地之民風土性即隨以遷未始非由天氣使然故敘風土而先之以氣候

郴居楚南嶺北之間昔人謂嶺爲楚粵之關北大雪

南微雪北雨南晴氣候頓殊蓋其地勢然也一歲之

閒雨暘時若霜雪如期則寒暑之景皆得其正時或

晴久則隆冬亦暖故秋盡冬初桃梨時能作花雨久

則盛夏生寒諺云四時長似夏一雨便成秋正謂此

也夜宜厚衾冬宜重裘甚則一日二日之間陰晴不

齊炎涼迥異故調攝不可不慎人或飲食之失節衣服增減之失宜起居出入勞逸之失中觸之則多傷寒作瘧父老相傳云每歲秋得嚴霜冬得積雪則來歲豐稔可期若霜雪不降或淫雨過期或亢暘作旱瘴癘因之而起瘴候始於三月盡於九月亦地方炎

溼所招

大抵瘴起於寒暑相薄晨嵐蔽天薄午方散

惟霜雪可解然隨地

所染亦有淺深如山林迴複草茅障翳炎氣鬱蒸嵐霧偃薄則其爲害也深或有天道陰晴不一此疆彼界村落遭際不同其害輕重亦異至於城郭近地山不高壓地又寬衍煙火輻輳氣得暢舒與寬大村鄉

亦能遠害然亢淫過久害亦惟均此氣候之大凡也
興甯界居嶺徼氣候與郴畧同三月稍燠九月漸寒
春常苦雨或多霜雪諺云清明斷雪穀雨斷霜大都
寒多暖少雖盛暑風雨輒寒時有五月端午凍殺牛
牯六月六凍要哭之諺
及土潤溽暑衣案皆生霉醖大雪凝河多年僅見草
木不凋者與佗處同

節序節序以農功為首務凡鄉謠
里諺有關於農事者備載之

元日長幼四鼓蚤起整肅衣冠小兒於先除夕之夜
慈母將新製襪履預

令穿著謂
之試新

備香燭酒果拜先祖家神擇吉方與時
放爆竹蠟菜出行還宅內外大小以次拜賀飲屠

蘇酒獻年饒族郇共登門慶賀越日戚友交相酬

拜款以酒食豪家竟有傳食至三四月閒者凡俗

年出閣新婦至正月初吉新郎同行反馬岳家盛設廣座招至賓友如黨競相酬待亦每致二三月

元日占風色驗歲之豐歉北主豐南主耗天色明

多陽暗多雨

原以驚時記雞鳴而起先於庭前爆竹

杖脚迴以投糞帚土名如願黃屠蘇元日飲之除瘟時鏡新書元日飲屠蘇酒先從少者起董助

曰少者得歲故賀之老者失歲故罰之又按荆楚

其旁百鬼畏之甯俗向不作此符又按賀歲俗謂

拜年城市三日即止鄉村路遠二月猶有拜賀者

蹄正足拜年時

立春先日官僚備彩仗迎春東郊雖在臘月亦必扮

演漁樵畊讀故事及青龍鼓吹遊歷街衢遠近皆
趨城市競觀以牛色占水旱以句芒神鞋占寒燠
晴雨以其鞭占桑麻立春喜晴諺云立春晴一日
農夫不費力

上元城衢張鼓樂懸鎗絲或製龍獅百戲金鼓喧闐
士女游觀蟻聚半月以來鄉村亦時爲之是夕備

酒脯祀竈及門雖虛室亦懸鎗燭謂之照虛耗

小年

除夕元旦四夜皆如此

是日宜晴以占早稻諺云雨打殘鎗

梳早稻一把稗

二月朔田家以粳米作湯圓綴於樹枝徧插田園免

鳥雀掀種俗名餉鳥嘴是日農人皆歇力

驚蟄先日以石灰布磴柱牆垣屋腳辟蟲蟻是日不

掃屋不宜雷諺云正月鳴雷二月雪三月禾秧老

上節

春社凡新喪初葬者於前一二日拜墓曰掛社境外

家郎女亦有備冥衣資肉來助祭者農人居日下

穀種曰社種爲早禾是日宜雨諺云春社無雨莫

耕田秋社無雨莫種園

立春後第五戊爲春社立
秋後第五戊爲秋社提要

錄社公社母不食宿水故社日必雨
荆楚歲時記社日四鄰結宗社會

清明男女兒童各於辯谿插柳大小族姓隨以祭田

所出租稅具牲醴鼓吹陳列品物資饌上墓除草

覆土加石灰剪楮插塋上謂之掃墓祭畢歸宗祠

照丁頒胙長幼以次坐飲農人於時浸種力田是

日喜晴諺云清明要晴穀雨要霖冬至百五日為

寒食在清明前二日亦名冷節舊志開元禮云宗

子去在他國庶子無廟孔子許望墓以時祭祀又

勅云寒食上墓禮經無文近代相沿浸以成俗士

庶有不合廟享者何以表厥孝思宜許上墓編入

五禮云據此則知俗之由來已久亦報本追遠之

意也然豐於祭而地無界至墓無碑石每致爭訟

哉惜

立夏先日各家以粳米為資餽謂之鍊夏諺云要討

健隔夜鍊戚友家亦時以資卵相餽遺是日喜陰

諺云立夏雨滴簑笠上壁立夏天晴簑笠滿响又
小滿宜雨諺云小滿不滿芒種不管

四月八採楊桐葉漬米造烏飯是日宜晴諺云四月

八日晴鰕公魚患

俗音宰

上茆坪又云三月七日要

雨不得雨四月八日要晴不得晴

谷壁居人採楊桐葉和冬青葉

染飯色青有光食之資陽氣道家名青精飯按四月八為浴佛會作青餛古人亦於寒食飯之

端午戶懸蒲艾研雄黃和酒飲之隨以酒灑塗小兒

面童女或繡羅為香囊佩之童男或鬪百草為戲

至午時浴百草湯炙以香油鐙炷謂可卻百病戚

里多以蒲扇角黍雞酒相餽遺近河居民亦時以

舟競渡

雅俗稽言五月五日修和藥餌者以天罡此時正指艮宮為塞鬼戶按此口為天中

節亦曰地臘荆楚歲時記端午畫張天師以賣又泥塑其像以艾為髻以蒜為拳置於門又刻菖蒲

為人小子或為葫蘆形帶之辟邪風土記以菰葉裹粘米謂之角黍俗云糴子有秤錘糴九子糴益

智糴等名風俗通以五綵絲繫臂辟鬼及兵一名長命縷一名續命縷一名辟兵縷一名五色縷一

名朱索又有一條達等織組雜物以問遺按此即今佩帶香囊遺俗非僅仿謝家紫羅囊也

夏至是日忌雷鳴諺云夏至雷鳴乾三伏俗以夏至

占米價諺云夏至五月頭邊食又邊愁夏至五月

終耽擱糶米翁又五月十三日為龍生喜雨諺云

不怕五月十三漫只怕五月十三斷又二十六日

有雨為分龍雨南阡北陌晴雨各別諺云夏雨分

牛跡

按五月十三雨俗名磨刀雨以關聖生辰傳會之續博物志五月為分龍雨楚俗謂二十

日為龍會二十五日為龍分此日無雨則旱要錄四五月為梅天雨曰梅雨一日霉雨又曰煤雨

六月六農人祀田神陳酒脯於隴畔田塍以祈豐穰

俗謂之供播官

又五六月開鄉壇里社各自釀錢扮演傀儡神戲香花科儀以賽田

祖俗名禾苗戲

是日士人曬書富人曬衣且視其日陰晴

以占豐歉諺云熟不熟且看六月六六月六日晴

犬豕不食粥又入伏日宜雨謂之漏伏雨則旬中

有雨晴則皆晴

夏至第三庚為初伏四庚為中伏立秋後初庚為末伏史記周時不

書伏伏起於秦

又立秋有雨為漏秋諺云交秋有雨連秋雨又以立

秋之日占早稻遲速諺云六月秋要到秋七月秋不到秋

七月七夜望天河爲米價之徵以十一日至十四日河漢見爲歉徵十五日後見爲豐徵諺云天河搭屋脊家家有飯吃

中元先五日家家迎祖先於堂焚香點茶朝夕上食爲几筵之薦至日具酒肴羹飯冥衣楮錢化送於門外同派聚飲爲燒衣會有新喪者戚里助送衣楮雞酒於其家本家量備靈屋明器或延僧道追薦謂之燒新衣城市各坊具衣楮草履仗僧修賑

設鄉厲壇以鴨酒致祭賑濟無祀餒鬼鄉村亦然

荆楚歲時記七月十五僧尼道俗悉營盆供諸佛
夢華錄中元買絳衣冥器爲盂蘭盆掛冥錢衣服

焚之

中秋城市以月餅鄉村以糗糒羣相餽贈夜陳酒果
玩月士大夫家或登樓賦詠以月之明暗定來歲
上元之陰晴諺云雲罨中秋月雨打上元燈婦女
三五爲羣或庭前或曝衣樓以頭帕蒙竹符祝月
問未來事如紫姑卜每有奇中謂之歌月姑好事
者或以鼓吹鎗爆送瓜爲宜男之慶兒童以瓦甓
磊浮屠高或三四尺熱以鍋油燿揚爲戲謂之燒

實塢是月不宜雨多諺云八月一露九晴光人多

疾病殃

按糴粃古謂鐸鐸即粃粃之屬甯俗鄉村慶吊祭賽多用之不獨中秋為然

重九近城人士或攜壺觥至雲蓋羊角諸山登高鄉

村多以此日為修路會是日宜雨諺云重陽無雨

望十三十三無雨一冬乾

無雨或云遇戊

又九月一日至

九日以南北風占穀價如一日主次年正月之類

諺云南風吹過北有錢糶不得

糶宜章志作糶

北風吹過

南無錢叫來擔

荆楚歲時記二社重陽尚餘食而重陽尤甚

十月農務既畢鄉村延僧道設醮鐸鉞喧野或攤錢

演戲謂之報賽自朔至望皆霜占次年大熟諺云

十月初一晴柴炭灰樣平又以十六日得霜謂之
一飭三冬得二飭次年大豐又立冬日宜晴諺云
立冬無雨一冬晴又總志有十一月照霜確頭恐無糠又
有十二月宜雪之諺云一
雪蝗自空二雪年大豐

冬至土俗不重然著族亦有設立冬至會者先薦寢
廟後聚飲猶不失冬至祭始祖遺意且甯素無羊
肆至日必有一兩家居市者饒裕家多買食以爲
資助陽氣又十一月二十七日爲總管日不宜風
雨諺云風打秤雨打斗

臘八居人多釀醕醪名臘八酒民間婚嫁葬埋修佛